

# Forskrift om feie- og tilsynsavgift, Valle kommune, Agder

Dato	
Ikrafttredelse	
Gjelder for	Valle Kommune, Agder
Hjemmel	LOV-2002-06-14-20-§28
Kunngjort	

**Heimel:** Fastsett av Valle kommunestyre, dato..... med heimel i lov 14. juni 2002 nr. 20 om vern mot brann, eksplosjon og ulykker med farlig stoff og om brannvesenets redningsoppgaver (brann- og eksplosjonsvernloven) § 28.

## § 1. Formål

Forskrifta skal ta hand om førebyggjande brannvern og bidra til at kommunen får dekt utgiftene sine ved gjennomføring av lovpålagt feiing og tilsyn med fyringsanlegg som vert nytta til oppvarming av byggverk.

## § 2. Verkeområde

Forskrifta gjeld feiing og tilsyn av alle fyringsanlegg i Valle kommune der lov om vern mot brann, eksplosjon og ulykker med farlig stoff og om brannvesenets redningsoppgaver (brann- og eksplosjonsvernlov) og forskrift om brannforebygging pålegg dette. Forskrifta erstattar eventuelt tidlegare forskrift om avgift for lovpålagt feiing og tilsyn med fyringsanlegg. Feiing og tilsyn vert utført av Setesdal Brannvesen IKS. Kommunen har etter lova delegert si mynde til Setesdal Brannvesen IKS gjennom selskapsavtalen.

## § 3. Storleik på avgifta

Avgifta skal dekke kommunen sine utgifter til lovpålagt feiing og tilsyn i samsvar med forskrift 17. desember 2015 nr. 1710 om brannforebygging § 17 basert på sjølvkostprinsippet.

Storleik på avgifta vert vedteken årleg av kommunestyret.

Det skal krevjast avgift frå eigar av byggverk med eitt eller fleire fyringsanlegg, uavhengig av om fyringsanlegget er i regelmessig bruk eller ikkje.

Avgifta skal vere årleg og avgiftssatsane vert fastsett kvart år av kommunestyret og kjem fram av gebyrregulativet. Avgiftsplikta er ikkje knytt opp mot tidspunktet for feiing eller tilsyn.

Avgifta per byggverk vert fastsett etter kor mange røykkanalar som er knytt til byggverket. Der fleire bueiningar deler same røykløp, skal kvar enkelte bueining betale den fastsette feie- og tilsynsavgifta.

Det skal krevjast inn tilsynsavgift for byggverk med fastmontert gassanlegg som vert nytta til oppvarming av bustad.

Kommunen kan differensiere avgifta for ulike abonnentgrupper. Prisstrukturen kjem fram av gebyrregulativet.

Krav på avgift etter **brann- og eksplosjonsvernlov § 28** er tvangsgrunnlag for utlegg og kan krevjast inn av skatteoppkrevjar etter reglane for innkreving av skatt.

Feie- og tilsynstenesta kan utføre andre oppgåver som direkte er knytt til feiing og tilsyn med fyringsanlegg, dersom dette berre fører til ei ubetydeleg auke i tidsbruken og av den grunn kan akseptertast å bli dekt innafor avgifta.

#### **§ 4. Avgift ved ikkje utført feiing**

Avgifta vert også kravd inn der feiar etter varsel ved oppmøte til fastsett tid, ikkje har fått tilfredsstillande tilkomst til fyringsanlegget, fordi eigar eller brukar ikkje har vore til stades, eller har lagt til rette for tilkomst til fyringsanlegget.

#### **§ 5. Avgiftsfritak**

Kommunen kan etter skriftleg søknad gje fritak frå å betale avgift.

Føresetnaden for avgiftsfritak er at fyringsanlegget ikkje er i bruk over tid, samt at det er tilfredsstillande sikra mot bruk. Tilfredsstillande sikring mot bruk vil vere eit fysisk skilje av den varmeproduserande eininga (eldstaden) og skorsteinen. Dette skjer ved å fjerne røykrørstilkoplinga og mure att hòlet i skorsteinen. Alternativt kan eldstad eller røykløp fysisk plomberast.

Når tilfredsstillande sikring er gjennomført, skal ikkje avgift fakturerast. Det er eigar eller brukar av fyringsanlegget som er ansvarleg for å gje melding til kommunen (ved søknad om fritak for feie- og tilsynsavgift) at fyringsanlegget ikkje lenger er i bruk, samt gje melding til kommunen dersom fyringsanlegget vert teke i bruk att.

#### **§ 6. Hyppigheit for feiing og tilsyn**

I samsvar med **forskrift om brannforebygging § 17** skal feiing og tilsynstenester utførast etter behov. Behovet vert fastsett etter ei risikovurdering av kvart enkelte anlegg.

## **§ 7. Innkrevingsordning**

Avgifta vert kravd inn som ei årleg avgift. Avgiftsplikta er ikkje knytt opp mot tidspunkt eller fastsett intervall for feiing eller tilsyn.

Avgifta vert kravd inn saman med dei andre kommunale avgiftene for å oppretthalde eit rasjonelt innkrevingsystem.

## **§ 8. Handheving og sanksjonar**

Lokalt tilsyn, handheving og sanksjonar skal finne stad i samsvar med føresegna i [lov 14. juni 2002 nr. 20 brann- og eksplosjonsvernlovens kapittel 7](#).



## **§ 9. Klage**

Klage på vedtak som er gjort i samsvar med denne forskrifta skal gjerast skriftleg til Valle kommune.

Klage på vedtak etter denne forskrifta vert avgjort av kommune sitt klageorgan.

Sakshandsaminga ved klager fylgjer føresegna i lov 10. oktober 1967 om behandlingsmåten i forvaltningssaker ([forvaltningsloven](#)).

## **§ 10. Iverksetjing**

Forskrifta trer i kraft frå .....